Semiotices medicae generalia commentata ... / [Karl Friedrich Agner].

Contributors

Agner, Karl Friedrich, 1758-Krause, Carl Christian, 1716-1793. Universität Leipzig (1409-1953)

Publication/Creation

Lipsiae: 'Litteris Klauberthiis et hered. Langenhem', [1780]

Persistent URL

https://wellcomecollection.org/works/fbt3mwmh

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.






Digitized by the Internet Archive in 2016 with funding from Wellcome Library

https://archive.org/details/b28764961





SEMIOTICES MEDICAE GENERALIA COMMENTATA.



AVCTORITATE

GRATIOSI MEDICORVM ORDINIS

1 N

ACADEMIA LIPSIENSI

PRAESIDE

D. CAROLO CHRISTIANO KRAVSE

EIVSDEM ORDINIS ASSESSORE REL.

A. D. XVII. M. MARTII, A. P. C. N. MDCCLXXX

PRO GRADV DOCTORIS

PROPONIT ET DEFENDIT

CAROLVS FREDERICVS AGNER

MEDICINAE BACCALAVREVS.

LIPSIAE

LITTERIS KLAVBERTHIIS ET HERED. LANGENHEM.

SEMIOTICES MEDICAE OFNERALIA

COMMENTALL

BTATE OF THE

were the state of the state of

ACADEMIA LIPSTENSI

O CAROLO CHRISTIANO KRAVSI

HISTORICAL MEDICAL MEDICAL MEDICAL MEDICAL

PRO GRADV DOGTORIS

THOMESTE THE TIME OF BEE

THE LOWER DESIGNATION OF THE PARTY OF THE PA

BY TORKS REFERENCES FOR HERRES HAR STREET

HO WIND WIND WAR

PROLOGG

SEMIOTICES MEDICAE GENERALIA

COMMENTATA.

PROLOGVS.

i, quod nemo facile dubitat, librorum in artium et do-Arinarum genere quoque optimorum notitia haberi iure aliquo potest initium quoddam sapientiae haud contemnendum, doctrina vero ex libris errorum plenis ac proletariis hausta, miscella illa et quasi confusanea, parum vtilitatis et securitatis discentibus affert, atque praeterea meliori et veriori cognitioni non leuia impedimenta obiicit; verendum non erit, ne quis in dubitationem adducat, partem felicitatis non minimam studiosis artium et litterarum putandam esse, si quibus contingat esse tam felicibus, vt per omnem vitae scholasticae suae cursum et librorum lectissimorum vsu et intelligentium ac fidorum doctorum ductu ad artes et doctrinarum studia, quibus se addixerint, vere et solide instituantur. Quemadmodum enim figuras in se inscribi quaslibet facile patitur cera, ita imberbium quidem iuuenum, cereorum in vitium et errorem flecti, rudiores animi dogmatum quorumuis et qualiumcunque, blandientis sermonis lenociniis propositorum, capaces sunt auidique, sed tamen falsarum imaginum semel acceptarum et altius menti impressarum deletionem non tam facile et libenter, quam cera sequax, admittunt, testae potius recenti similes, quo semel sunt imbuti, odorem diu, non raro tanta tenacitate feruant,

seruant, adeoque grauiter spirant, vt male instructi homines non solum institutionem meliorem peruicacissime stultissimeque detrectent, verum eos etiam, a quibus edoceri veriora poterant, odio implacabili, aliquando ad internecionem vsque, immo vero post fata, persequantur. Et quamuis illi, qui nondum in falsis opinionibus consenuerunt, neque igitur prorsus caeci et surdi ab iis redditi sunt, si meliora vident, animum interdum aduertant, eaque probent, plerumque tamen id et sero et aegre sit, vt, si opinionum commenta per longas moras inualescentia rationem iam iamque captiuam ducunt, mens ab erroribus, quibus implicita et vincta quasi est, liberari et in sanitatem restitui pristinam non sine multo labore et taedioso renixu possit. Quod bene intellexisse TIMOTHEVS videtur, celeber quondam musices magister, quem F. QVIN-TILIANVS scribit a discipulis prius male informatis geminam postulasse mercedem, scilicet quoniam geminum et dediscendi et docendi laborem subire cogeretur. Ab hac quidem atque ei fimilibus artibus, parum subtiliter cultis iis, praeter sensum infuauitatis quendam humano generi nihil admodum mali futurum est; at vero medici, perperam ad artem suam instituti, cum non prius, quam experimenta egerint per mortes, sapere discant, nonnulli quoque aeternum desipiant, aut dolores non necessarios mouendo aut morbos praeter necessitatem trahendo atque sic aliquando immedicabiles reddendo, non tantum perquam multa infuauia ingrataque, sed pestifera etiam inferunt mortalibus, vt humanae salutis praesidem artem in summam hominum perniciem ab illis conuerti recte dicas. Quodsi vero ab vno male docto medico, ob vile lucellum postea animam prostituente iam satis periculorum ciuibus impendent; quantam putabimus ab ineptis artis doctoribus parari eorum stragem, quando isti aut docendo scribendoque non magis discentium quam suam vtilitatem nominisque celebrita-

britatem mira interdum iactantia et inani loquacitate aucupentur, aut profano ausu strepituque ridiculo capita tironum vanis nugis et idearum icunculis ac spectris lactent et farciant, aut acternas dubitationes mouendo et audientibus scrupulos continuos iniiciendo eos perturbent, atque omnes ii luculenter fic monstrent, ad docendi prouinciam se non esse a natura destinatos, sed infelici quodam sidere detrusos. Haec cum scribimus, non cum laruis et vmbris pugnari, testimonio esse potest et historia artis medicae et scriptor Franco gallus seu Heluetus, nupcrrimus ille, qui de cathedris medicorum per Galliarum prouincias fundatis et erectis tam clare et articulate declamauit, vt illi, quibus dictum est, interprete careant quam facillime *). Sed quorsum ista omnnia? Eo, vt et ego ipse grato afficerer sensu, et alii felicem praedicandum me esse intelligerent, quod, cum arti salutari addiscendae animum addixissem meum, eius doctores in hac litterarum et artium vniversitate nactus sim eruditissimos iuxta et candidissimos, qui et optimorum librorum explicatione luculentissima ad artem me instituerent eam, et omnino serioque cohortarentur, vt caeterarum quidem doctrinarum studia cupide etiam amarem, omnia vero apposite et habita prius cum prudentioribus deliberatione prosequerer, sed ne caeteris tamen illis tribuerem plus temporis, quam artis, cuius magistrum me professurus olim essem, ratio, nobilitas et dignitas, disficultas atque longitudo vitaeque humanae brenitas permitterent. Secus enim qui res instruerent suas, fere per omne vitae breuis curriculum arti longae non nisi perfunctoriam operam nauare solitos

A 3 effe,

*) Vid. L'anarchie medicinale ou la medecine comme nuisible a la Societe. par M. I. E. Gilibert. Neuschatel. 1771. Item WIRDIGII medicina spirituum; nec non HELMONTII et eius secta-

torum Archaeus cum ipsius apostolis, quorum nomina ad posteros transmittere pudet. Quam inanes illae a CRAANENIO pictae atque sictae idearum imagines!

esse, censurae igitur BACONIS a VERVLAMIO iure ac merito obnoxios, qui, equidem, scripserit, medicis minus succenseo, si saepenumero vacent alicui studio alteri, quod adamant, magis quam arti suae propriae. Inuenies enim inter eos Poetas, Antiquarios, Criticos, Rhetores, rel. atque in iis artibus magis quam in professione propria eruditos. Neque hoc sit, vt arbitror, quia habeant, quae sibi obuersentur, obiecta tam soeda et tristia, vt animum ad alia abducere iis omnino opus sit, sed quod arbitrentur, parum ipsis interesse vel ad existimationem vel ad lucrum, vtrum artis suae mediocritatem an perfectionem in ea maiorem asseguantur. Morbi enim taedia, vitae dulcedo, spei fallacia et amicorum commendatio efficiunt, vt homines facile in medicis qualibuscunque fiduciam collocent. Verum si quis haec curatius perpendet, ea potius ad culpam medicorum quam ad culpae excufationem spe-Etant. Haec Vir ille Summus de medicis aetatis suae, de nostrae fortasse aliter. Sed praeceptores mei praeterea, cauendum mihi esse, ne, quod iuniorum maximeque eorum, quos puerulos praecoci fapientia Poeta ille appellat et odit, non pauci peccent, anteaquam audiendo, legendo, intelligendo ac meditando artis principia et praecepta animo inhaeserint penitius, atque studia mea ad maturitatem quandam peruenerint, morborum curationes intempestiue suscipiendo aegrotantibus nocerem, mihi vero ipsi horas surriperem ad discendum et meditandum necessarias, cum vel veteranorum illi, qui ample valetudinarios nutriunt, hac parte delinquerent nonnunquam; sectandum potius esse IAC. HOLLERIVM, quem THVANVS, afsidua meditatione, aiat, accerrimum iudicium attulisse, vt deploratos morbos, et ob festinationem ab aliis per vicos vaga cursitatione mulos fatigantibus, minus cognitos, summa felicitate curauerit.

Vtrum his aliisque consiliis saluberrimis aures praebendo dociles sorte hac prospera et facili non omnino indignum memet exhibuerim, an vero Epimetheis, quorum plures quam

Prome-

Prometheorum per Academias vagantur - nihil considerate nihil deliberato tractantibus illis, annumerandus sim, vt iudicare Praeceptores nostri ac Fautores venerandi possent, commentarium in particulam quandam Institutionum medicarum ab н. воевналуто digestarum conscriptum disputatione inaugurali defendere nobifcum animo constituimus. Peropportune id statutum esse, speramus, existimabunt ii, qui ab iunioribus primum documentum publicum partae doctrinae edituris, vix aliud specimen diligentiae ac profectuum praeter accuratam et promtam principiorum ac praeceptorum scientiam requiri et exspectari posse, ac praeterea etiam hoc cogitabunt, in nullo alio hactenus de medica institutione composito libro principia artis tam solide, tam eleganter et accurate, tam simplici naturalique et nihilo minus tamen propemodum inimitabili methodo exposita esse quam in illo iure meritoque dicendo aureo dignoque, qui in omni bene ordinata schola medica a publice constitutis doctoribus quotannis praelegatur et illustretur, exemplo scholae Vindobonnensis, in qua sapientissime ita iubente atque cum propterea tum vero etiam ob alia multa in artis medicae incrementum collata beneficia aeternas a Medicis et aegrotis merente gratias, Longe Augustissima MARIA THERESIA, discentibus epitome institutionum illa plus quam aurea annuis exercitationibus a peritis et prudenter lectis professoribus explanatur. Quicquid enim in hoc genere scriptum sit ab aliis, quam docte alioquin, tamen, si cum illo conferatur, de splendore suo videri plurimum amittere. Sed ab vlteriori libri laude libenter abstinerem, ne, quod quondam oratori illi Herculem laudanti: Et quis eum vituperat? idem et mihi fortasse obiiceretur. Quia tamen boni et pulcri aestimatio laudi danda est', et optimus quisque laudis studio trahitur, age! repellamus saltem quorundam querimonias vitro citroque iactatas. Nam sicut Iupiter ipse, quod dicunt,

dicunt, non omnibus placere potest, ita nonnulli quoque libro ei breuiloquentiam et abscissim quasi sermonem indeque natam nescio quam obscuritatem obiectant et imputant. At vero libris didacticis laudi, non vituperio tribuenda est verborum concinnitas in breuitate docendi, qua librum suum composuit BOERHAAVIVS. Oratoris quidem est copiose ornateque dicere, sed doctoris breuiter et terse. Et iuxta praeceptum Poetae Venusini, quicquid praecipies esto breuis. Si qua subinde difficultas ex breuitate sermonis exstiterit, neque Au-Aor neque eius liber in vituperationem cadit, sed illi ipsi male queruli lectores ingratique admodum. Aut enim funt e discentium grege, aut doctoris publici prinatiue munere fungi gestiunt, Illi vel omnino inuita Minerua doctrinarum studiis operam dant, hirundinibus et passeribus interdum indociliores; vel librum, illustrationibus Academicis destinatum, nullius adminiculis, sed, vt dicitur, suo Marte voluere et reuolvere atque intelligere cupiunt; vel canibus e Nilo lambentibus similes metuunt, ne, si vni eidemque libro operam multam et tempus necessarium tribuerint, ex assiduitate discendi tandem aliquando erumpat malum et monstrum aliquod ingens, horrendum - - Hi vero, qui vel publica Magistratuum auftoritate constitutorum doctorum muneribus ac praebendis fruuntur in finu gaudentes, vel doctoris priuati iuribus ac priuilegiis vtuntur auide plerumque appetentes illa arque ambientes prensantesque, si librum artis principia simplici et plano sed simul breui sermone complechentem, obscuritatis et difficultatis arguant, velim meminerint, pro captu lectorum habere fata libellos sua; vt ne alia bene multa, quae possem, dicendo attingam. Caeterum libri eius praestantiam et excellentiam intelligi ex eo posse, quod ab omnibus solide doctis et cordatis medicis in summo semper honore habitus sit habeaturque, atque quorundam admodum erudi

eruditorum commentaria elicuerit *) nec quisquam vere peritorum sit, qui BOERHAAVII manibus terram leuem non precetur, nisi fortasse, vnus aut item alter, qui velit esse dux ipse gregis sui, vt caper ille. Commentatorum autem illorum nemo vltra physiologica progredi ausus est, nisi forsan ASTRV-CIVM, Virum iure suo ad BOERHAAVII laudes contendentem, eiusque Trastatum pathologicum eo loco habueris; ipse saltem ASTRVCIVS eo poni voluit **). Cum tamen neque is neque GAVBIVS in pathologia fua tractare semioticen sustinuerit, fine qua sermo de morbis non claudus modo sed mutilus est, ab vtroque hoc***) in viam tandem aliquando compulsi atque detrusi post longam hanc praefationem vires ingenii mediocris periclitabimur. Doctrinam igitur de signis medicis, qua arx totius artis est, attingemus, et paragraphos priores eius partis Institutionum BOERHAAVII, quam poterimus luculenta commentatione illustrabimus; vtinam faxit Deus feliciter!

*) BOERHAAVII ipfius praelecliones ab HALLERO editae et huius uotis auctae a nemine ignorantur- Videtur autem HALLERVS non optimis manuscriptis potitus esie. Commentaria I. GVIL. HEY-MANNI Leidae A. 1754. euulgata non omnibus innotuisse comperi, quamuis operae pretium fecerit. Novissime MARRHERR cogitata fua non femper fatis matura cum auditoribus fuis communicauit. Edita a CRANZIO a. 1772. et inscripta: PHIL. AMBR. MARRHERR Praelectiones in H. BOERHAAVII Institt. medicas. Refer huc et EVER-

HARDI versionem teutonicam Halae 1734 editam.

**) Vid. A. C. LORRY Praéfationem libro ei Parisiis 1767. edito praemissam.

et GAVBII) lectioni tironum vtiliter inferuire quidem possunt; sed praelectionibus non sunt accommodati, sunt enim nihil aliud quam Praelectiones ab Auctoribus suis habitae. Quas nouis praelectionibus diluens sacit idem, quod coquus, qui ius longum et sic satis sapidum iure nouo eodemque longiori diluit, et fastidium conuiuis creat.

ΣΗΜΕΙΩΤΙΚΗΣ.

GENERALIA.

S. 871.

Cum morbus sit effectus ab sua caussa pendens, ens est singulare, ab omni alio distinctum; ideoque in sua propria singulari natura cognoscendum, vt curari queat. Quod idem de sanitate, eiusque statu vario sentiendum erit.

COMMENTARIOLVM.

Semiotice medica, seu doctrina de signis medicis quae sit, nonnisi ab eo, qui hanc medicinae partem animo complexus est, luculentius et plenius intelligitur. Animaduerto igitur tantum, in epitome institutionum medicarum non omnia ad singulos morbos pertinentia signa exponi posse; id enim latissime patere; verum hac parte comprehendi ea tantum, quae, si de morbis sermo sit, vel omnibus vel saltem pluribus communia sint; sin de sanitate quaeratur, ea, quae vel ad sanos omnes vel certas eorum classes spectent.

Generalia semiotices, de quibus scriptiuncula hac exponendum est, dicuntur ea, quae de signorum necessitate, notione, fontibus et generibus exponuntur. De necessitate signorum §. §. 871. 872. verba siunt; sontes §. §. 873. 874. aperiuntur; notio signi medici §. 875. euoluitur; inde a §. 876. signorum genera constituuntur.

BOERHAAVIVS autem hoc ipfo §. 871. dicit, fingulum morbum, h. e. eum, cui mederi medicus satagit, esse ens singulare, ab omni alio distinctum. Hoc est ita accipiendum, morbos singulos non modo genere et specie inter se diuersos esse, sed morbos etiam speciei eiusdem in singulo quoque homine, atque in homine eodem diuersis temporibus, aliquid singulare habere admixtum, quod in alio homine aut in homine eodem tempore alio non sit. Hoc autem ipsum eo sieri, quod causae a quibus morbi illi pendeant, diuersae inter sese sint. Nam si vel caeteras omnes prorfus fimiles aut easdem esse posueris, quod raro tantummodo fit, ipía tamen aegrotantium corpora, caussarum praedisponentium vice sungentia, non possunt non esse diuersa, cum homo nullus alii cuiquam prorsus similis sit, sed singuli quique tam in fluidis quam solidis partibus atque earum crasi, compositione, proportione et nexu etc. aliquid sibi proprium secum circumserant, atque praeterea corpus humanum quoduis in continuo fluxu fit, fic, vt adolescens, adultus, senex inde a pueritia varie mutatus homo dici iure possit, Quae cum ita sint, caussarum earum diuersarum effectus h. e. morbi, caeteroquin generis eiusdem, inter sese tamen differant necesse est. Vt exemplo quodam vtamur, tertiana febris, vel quartana aut alia quaelibet non modo ab omnibus reliquis febrium speciebus indole et natura distat, atque hoe ipsum cognoscere medicus debet, sed et in diuersis hominibus aut in eodem homine diuersis temporibus diuersi est ingenii. Quod satis testantur symptomatum varietas, magnitudo et numerus, atque morbi ipsius curatio, quae modo facilis, modo dissici-lis est, aliquando etiam nihil omnino proficit: Sed dicet fortasse aliquis: si morbus singulus quisque ab omni alio distin-Aus est, qui sit, vt curationes morbo eiusdem generis in aliis adhibitas in aegrotantibus nostris sequi possimus. Possumus propterea, quia plurima tamen morbi generis eiusdem habent

B 2

commu-

communia, atque illud singulare, quod singulo cuique adspersum est, saepe aut cognosci nequit, aut tantum non videtur, vt propter id a curandi via, quae in aliis similibus casibus bene responderat, recedamus. Quodsi vero discrimen satis conspicuum et momentosum est, vtique ex methodo generali varianda est medendi ratio. Siue autem morbi ingenium singulare penitus lateat, siue pateat luculentius, semper
in ipsis curationibus, maxime hominum ignotorum, diligentiori observatione opus est, vt, quae inuare videantur, prosequamur, quae nocere, omittamus.

Cum supra hominem quemque ab omni alio diuersum esse sumerem, verebar, ne quis alieno loco id positum esse diceret; ea enim de re ab Auctore nostro demum §. 889. seqq. exponi. Sed in loco illo id, quod hoc loco supponitur, expressius edisseritur, et homines adeo inter se diuersi in classes tamen quasdam dispescuntur, ac temperamentorum signa traduntur. Caeterum homini cuique esse idiosyncrasian seu propriam humorum mixtionem aliasque inde pendentes proprietates, sicut a nobis hoc loco, ita et ab Auctore §. 889. simitur, Est enim enunciatio ea ex genere earum, quae nonnisi postulati vim habent. Atque haec de necessitate naturas morborum cognoscendi ad §. 871. satis dicta sunto. Axiomatis enim vis est propositioni seq. Quicunque non sufficit ad cognoscendum, is nec sufficit ad curandum. Quod verius dicitur, quam illud HIPPOCRATIS: Quicunque sufficit ad cognoscendum, ille etiam sufficit ad curandum.

Num vero etiam sanitatis praesentiam et naturam cognoscere et scrutari medicum decet? Ita sane nobis videtur.
christ. 10. Lange tamen signis sanitatem ostendentibus
opus habere medicos negat: "Quemadmodum enim sanus
parum sollicitus sit de medico, eumque neutiquam desideret,
ita vicissim medicum, qua medicum, nec versari debere circa
sani-

fanitatem cognoscendam, adeoque nec circa signa sanitati inseruientia"*). Sed hoc quidem salsum est. Paulo verius aliquis dixerit, cum ex absentia signorum morbos quoscunque
monstrantium praesentia sanitatis intelligatur, nouis valetudinem secundam ostendentibus notis carere medicos posse. Sed
sanitas ipsa vel constans est vel laesioni facile obnoxia; eademque praeterea admodum varia et diuersa est aetate, sexu, temperamento, fabrica corporis, vitae genere, gentilitia indole etc. Quorum nihil ignorari tuto potest. Nam ab iis, vt
supra vidimus, haud parum modificantur morborum naturae.

§ 872. Natura autem praesens vel sanitatis vel eius defectus, morbi, raro per se apparet sensibus; hinc nec per se tam perspicue, vbi praesentes in corpore sunt, possunt cognosci; quin imo vtriusque ratio saepe latet.

Morbi natura est in conditione certa quadam partium vel solidarum vel studarum vel vtrarumque, sunctionem quamcunque seu vniuersi corporis seu partis impediente. Quae si in externis est, patet quidem sensibus, saepe tamen non penitus perspicitur. Quanquam enim vulnus quisque videt, ossium fracturae sat facile se produnt, vulnerum tamen naturae differunt pro diuersitate partium, instrumentorum laedentium, impetus impacti caet. fracturae vero ossium vel transuersae, vel obliquae vario modo, vel cum fragmentis sunt, aliquando etiam dubiae, saepissimeque, si sissuras egerunt. Si partes interiores vel ab externis vel internis caussis laesae sunt, cognoscendi difficultas maior, haud raro tanta, est, vt cadaueris sectio demum et sedem et naturam morbi, aliquando ne ea quidem

"tur, aegro adhibere medicinam, non "folum morbus eius, cui mederi vo-"let, fed etiam consuetudo valentis "et natura corporis cognoscenda est...

Opp. p. 723. At quanto sapientius M. TVLLIVS Lib. 2. de Orat. scripsit:

Medico diligenti priusquam cone-

quidem, detegere queat. Adeo interdum ratio morbi est abscondita. Atque generis neruosi aegritudines, oculorum et
aurium vitia tenebris illis praecipue sunt demersa. Sanitatis
autem habitus non raro maxime ambiguus est, vt quidam, in
quibus nihil eorum, quae ab Auctore nostro §. 886. dicuntur,
animaduertatur, nihilo tamen minus subito aegrotent aut
morte inopinata rapiantur. Quamuis vero haec ita aliquando
sint, tamen, cum morborum et sanitatis naturae non semper
tam abditae sint, medicos ab inuestigatione earum deterrere
non debent, sed excitare potius, et ad sontes compellere, e
quibus cognitio earum peti et hauriri possit.

§.873. Sed ex praesentia vtriusque siunt essecta quaedam, pendentia a functionum exercitatione vel a laesione earundem. Haec quidem distincta sunt, ab illis caussis, sed tamen ita ab iis pendent, vt earum indolem manisestent, et cum sensuum acie observari possint, magnam his indagandis lucem affundunt.

Fontium autem illorum §. 872. sunt duo, quorum alter, qui §. hoc ostenditur, ab effectis ad naturam vel sanitatis vel morbi inueniendam ducit, Sanitas quidem praesens quomodo cognoscatur, ex eius notione intelligere datur. Scilicet videndum esse, an homo pro ratione aetatis, sexus, consuetudinis etc. omnes sunctiones, vitales, animales et naturales, facile commode et laete obeat nec ne. Quae quidem ab homine ipso, si adultior est et animi sui sensa explicare verbis potest, siue multo negotio comperiunt medici. Sin puer infans est, non tam facile exquirunt. Animaduertunt tum diligentius, et quaerunt de appetentia alimentorum et siti, de indole faecum alui, vrinae, de somno; considerant modum et rationem reciprocandi animam, arteriarum micationes, quas

tamen norunt in pueris tenerioribus saepenumero fallere, practerquam sebriles; et quae sunt alia id genus, quae plenius § 886. sunt exposita. Haec autem distincta esse a suis caussis, de earum tamen indole testari facile patet. Nam vt hoc exemplo vtar, stercus et lotium testantur de suis caussis, et si illud bene siguratum et coloratum est, et sacile redditur, de alimenti assumti copia et qualitate, ventriculi et intestinorum actione et bilis natura, lotium vero coctum matutinis horis post somnum emissum, de sanguinis natura et viarum vrinariarum sana constitutione, testatur; vtrumque autem ab his suis caussis distinctum est Liberrima animae reciprocatio de omnium organorum respirationi seruientium sanguinisque integritate, meabilitate testatur; ipsa tamen tanquam earum caussarum essectus ab

harum partium actione distingui perspicue potest.

Sed non solum sanitatis praesentia noscenda est; eius etiam naturam atque indolem, quam possimus, perspicere debemus. Alia enim constans est, a caussis lenioribus vix turbanda, alia valde mutabilis. Atque hanc quoque sanitatis naturam manifestant effecta. Constantis sanitatis esse eum iudicamus, in cuius corpore, praeter illa signa praesentis sanitatis, ea est praestantia, vt, si homo is solito diutius vehementiusque corpus mouet, neque cito neque nimium fatigetur, et ipsa fatigatio breui post discutiatur; et e contrariis sanitatis labilis natura elucescit. Tolerantia autem laborum illa eo efficitur, quod et humores copia necessaria in corpore sunt iidemque bona qualitate conspicui, partesque solidae satis robustae sunt et probe constitutae. Quibus fit, vt et humores meabiles et vasa permeabilia sint, neque meatus tam cito humore distendantur nimio, inde vero aliquando nata obstructionum et infarctuum initia paulo post dissipentur. Quanquam igitur tolerantia illa tanquam effectus a caussis his distinctus est, earum tamen indolent manifestat. Atque haec ad sensum verborum BOERHAAVII capiendum

piendum satis dicta videri possunt, vt plura ex signis cum praesentis tum constantis sanitatis hoc loco proponere, aut de idiosyncrasia varia et temperamentorum generibus, nunc adiicere non opus esse videatur. Consulet, qui ea scire volet, Auctorem ipsum ista §. 885.890. seqq. luculenter omnia exponentem.

Missa nunc sanitatis natura, de natura morborum ex esfectibus cognoscenda dicemus. Morborum vero natura, seu vt alii vocant, essentia statu corporis eo continetur, quo fit, vt sunctio quaecunque aut prorsus tollatur, cohibeaturue aut nonnisi difficulter, grauatim, aut cum doloris et molestiae cuiusdam sensu exerceatur. Dicitur alias etiam a medicis morbi caussa proxima, quatenus scilicet functio laesa nomine morbi donatur, laesionis vero eius caussa in statu illo corporis residet. Neque morosiores illi, qui vnam eandemque rem modo morbum modo morbi caussam proximam a medentibus inepte dici perhibent, singulare mentis acumen produnt, vim enim et notionem verbi caussae parum perspicientes, modo relativam seu respectiuam eam esse haud intelligunt. Cui tamen haec non sufficiunt, ei per me licet loquendi rationem medentibus inde a multo tempore frequentatam, fi potest, abrogare, aut legere ea, quae ante hos ducentos et quod excurrit annos 10. LANGIVS de caussa morbi coniuncta scripsit *). Neque enim de notione morbi ab Auctore nostro ex GALENI scriptis petita, nonnullis vero, laureolam in mustaceo quaerentibus, improbata, neque de diuisionibus caussarum morbos facientium disputationes subtiles suscipere, atque sic viam regiam relinquere hoc tempore placet, quo pro iunioribus scribimus; sed trito hactenus itinere progredientes exemplis in medium proferendis verba BOERHAAVII illustrabimus.

Animo igitur proponamus hominem morbo caduco laborantem, qui auxilium nostrum imploret. Si a physiologia humani

^{*)} Vid: eins Medicinalium epistolarum miscellan. Epist. XV.

humani corporis satis instructi sumus, motus musculorum involuntarios illos, et vitalium quoque naturaliumque functionum perturbationes pro caussa supponere neruorum ad partes east pertinentium actionem vehementem, facile intelligimus, sensuum vero omnino omnium impedimenta eo fieri, quod neruorum sensoriis organis servientium actio quacunque ratione cohibeatur. Quomodo hi duo vtriusque neruorum generis status contrarii vno eodemque temporis momento simul confistere possint, disficilis quaestio est, neque huius loci. Obseruamus solummodo, diuersos illos neruorum status a medicis dici caussam sensuum abolitorum et motuum conuulsiuorum illorum, et vtrosque hos esse eius effectus. At vero caussa ista generalius cognità ad morbum caducum in singulo quoque epileptico cognoscendum non sufficit, cum ea ipsa a varia conditione corporis tanquam effectus a caussa sua pendere possit. Vt autem illi motus conuulfiui et sensus aboliti tanquam effectus caussam illam generalem manifestant, ita alii effectus, aut ante paroxysmos aut post eos animaduertendi, conditionem illam variam quoque commonstrant. In quibusdam enim multus capitis dolor, aurium tinnitus, vertigo; in aliis multa nausea, voracitas, sensus ascendentis per praecordia aurae frigidae; in nonnullis aut aliquis dolor, aut sensus etiam aurae frigidae · inde a definito quodam loco extremitatum inferiorum superiora petentis, aut eius partis conuulsiua motio ante accessiones epilepticas praecedit; aut paroxysinos vomituritio vomitusue excipit; atque haec talia persuadent, in locis illis affectis latere aliquid, quod aut neruorum fines, aut funiculum aliquem nervorum, aut menynges, aut cerebri corticem eiusue medullam ita afficiat, vt vtrumque neruorum genus vehementius commotum motuum mirificorum illorum et validissimorum atque sensuum abolitionis caussa sufficiens existat. Effectus illi igitur caeteri quamuis ab latente illo diuersi sint, magnam tamen lu-

C

cem naturae morbi caduci in homine aliquo indagandae af-

Vniuersi humorum fluminis nimia tenuitas comites essectus habet excretiones auctas, scilicet cutaneam, vrinae, alui, saliuae, sanguinis ipsius tenuioris vix in placentam concrescentis; quibus animaduersis indoles morborum a tenuitate pendentium ostenditur, quanquam essectus illi ipsi a caussa hac sua sint distincti.

Hactenus dicta poterunt ad illustrationem verborum Bo-ERHAAVII sufficere, si expressius addidero, ex solis functionibus cohibitis atque effectibus in corpore aegroto notatis naturam morbi ipfius latentis non semper accurate et penitus cognosci, propterea, quod functiones pleraeque a diuersis inter sese conditionibus impediri possint. Eam quidem, qui omnes conditiones ad exercitium functionis cuiusquam requisitas mente complectatur, cogitatione disiunctina dicta, aut - aut - aut vtendo, et effectus concomitantes diligentius expendendo ad status morbosi cognitionem quamuis non semper, saepenumero tamen, peruenire propius posse, si caussas omnes curiosius circumspiciendo easque cum effectibus comparando omnia quam diligentissime rimetur. Quam autem varium et quam multiplex impedimentum functionibus obiici exercendis possit, Auctoris Symptomatologia tam abunde tam clare distincteque docet, vt lector, ad eam remissus, hac parte sibi sic satis consultum esse protinus intelligat. Sed caussarum facta mentio nos nunc ad sequentem §. Auctoris ducit.

\$ 874. Praeterea vero notitia applicationis caussae notae ad partem corporis quamcunque, prius cognitam in Physiologia, docet naturam essectus, qui inde sequetur; siue is salutaris siue perniciosus suturus sit. Nec mul-

tum refert, an caussa haec externa, interna, naturalis, accidens, salutifera, morbosa, vel lethalis sit.

Cum igitur, vt paulo antea vidimus, ex solis effectibus natura et indoles vel sanitatis vel morbi non semper possit penitius perspici, caussas remotas circumspiciamus expiscemurque oportet. Quae quidem vel praedisponentes sunt vel occasionales vel per se sufficientes. Caussas per se sufficientes voco illas, quae ita potentes sunt, vt effectus morbosos in corpore faciant, etiamsi nulla proprie sic dicta caussa praedisponens ad recipiendam impressionem corpus praeparet et aptet; cuius generis sunt violentiae externae, eminentioris gradus calor et frigus, et res venenatae pleraeque, quarum effectus vel a priori, quod dicunt, h. e. ex ipsa caussae natura, cognoscuntur, vel a posteriori h. e. experientia magistra innotescunt. Morbi, quos istius generis caussae faciunt, si sensibus quidem nostris partes laesae prorsus patent, cognitionis sunt facillimae, ac fere redeunt ad species ab Auctore §. 903. enumeratas illas. Quodsi vero caussarum actio vel in interioribus sedibus perpetrata est, aut ab externis ad penetralia corporis transiit, iudicium quidem difficilius est, nihilo minus tamen si et caussa ipsa nota est, et eius applicatio, h. e. impetus, directio, veneni dosis, mora in corpore, ventriculus vel ieiunus vel satur etc. pensitantur, et cum effectibus conferuntur, morbi natura ab eo, qui anatomica et physiologica apprime callet, in lucem protrahitur vtplurimum. Haec, quae postremo loco de caussae notae applicatione dixi, ad morbos partium externarum accurate perspiciendos aeque necessaria esse quisque videt.

Caeterae caussae, quae quoniam non omnes homines protinus laedunt, sed ad generandos morbos praedispositionem corporis quandam praesupponunt, vere occasionales dici merentur, si et ipsae et adminiculantes illae clare cognitae pe-

nitiusque perspectae sint, morbi latentem naturam produnt, planiusque explicant, denique definiunt. Apoplexia aut haemorrhagia in plethorico, vel calidi et valde moti sanguinis homine, a caussis quibuslibet calesacientibus nata; morbi catarrhales rheumaticique in debilioribus ab refrigerio corporis aut perslatu aeris geniti, plurimique alii exempla illustrantia suggerunt.

De caussis illis, quarum effectus perniciosi sunt, haec di-La non magis ad eos, qui hactenus sic satis bene valere videbantur, quam ad eos pertinent, qui morbo iam quodam impliciti male habent. Periculosa inflammatio ab ictu morsuue insecti alicuius in corpore prauorum admodum succorum non raro concitatur. Acute febricitantem pessime mactat, quicquid motum humorum vehementer citat. Caussarum earum, quae effectus dant salutares, eadem ratio est, h. e. et in sano et in aegrotante cognitionem rerum iuuant. Firmiorem et constantiorem sanitatem esse putamus iis, qui a sanis et robustis, parce continenter et sobrie viuentibus geniti et educati, ipsi postea fimilem vitam in quotidiano labore agentes, corporibus suis nouum quotidie robur addunt, quam illis, qui inde a conceptione et gestatione vitiosi, luxuria diffluunt, delicate et molliter vitam transigentes. Atque si vtrique morbis tentantur, priores illi eos facilius superant, hi aegre eluctantut. Ad caussas, salutaria essecta in morbis promittentes referas haec quoque: si cita medicina paratur; si aegrotus praeceptis medentium morigerus est; si tempestas anni seu sixa seu vaga curationi fauet.

Prior huius §. pars spero, clare intelligetur. Patet vero etiam, ad cognoscendum parum interesse, vtrum caussa corpori externa, an interna — sit dummodo ipsa sit cognita penitus. Fatendum tamen est, externarum partium saesiones plerumque facilius cognosci, quia et quatenus tum caussa ipsa earundemque

demque applicatio pernosci accurate et plenius possint, tum vero etiam partes laesae atque adeo caussarum essectus oculis sint subiecti sidelibus.

Caussae naturales hoc loco dicuntur eae, quae a natura humana pendent, tanquam aetates diuersae, vnde aetatum morbi, fexus diuersitas, vbi in sequiori praesertim fluxus menstruus, veneris desiderium aliaque muliebria in censum veniunt, porro temperamenta, corporis constitutio vel nimium proceri et tenuis vel crassi et obesi, item corporis motus et quies, somnus et vigiliae; quorum tamen omnium excessus et defectus ex genere eorum sunt, quae ex accidente fiunt. Quaecunque homini non funt naturales caussae, eae omnes sunt accidentes. Neque ad cognoscendi modum quicquam facit ea effectuum diuersitas, qua ii vel falutares vel morbo si vel lethales dicuntur, sed caussarum omnium fimul fumtarum et accurate cognitarum natura de diuersis illis effectibus recte ratiocinantem docet. Non autem facile aut saltem non saepe errabimus, si omnes conditiones corporis, quibus fanitas et vita continentur, in physiologia; si genera morborum et caussarum morbos facientium potentius in pathologica aetiologia, et symptomatum diuersas caufsas in symptomatologia mente complexi, in casu quouis singulari feueram cogitationem adhibemus.

\$. 875. Porro haec memorata effecta (§. 873.) atque hae dictae causae (§. 874.) quatenus sensibilia habentur, ipsa vel inde quam proxime deducta vocantur Φαινόμενα, haec autem solent appellari signa, quando ex iis sensu notis, lege iusti ratiocinii demonstratur praesentia, natura, status, euentus, tam sanitatis quam morbi et mortis,

Atque ex illis fontibus (§. 873. 74.) omnis cognitio de fanitate et morbis derivatur. Scire autem licet, inde a multo compo-

tempore phaenomena seu apparentias vocari omnia ea, quae in corporibus obseruentur, et in sensus cadunt vel medici vel adstantium vel aegrotantis beneue valentis hominis ipsius. Effecta autem, a morbo pendentia, aut proxime aut remote inde deduci. Quodsi in vulneribus abdominis pars quaedam intestinorum punctim vulnerata sic est, vt ea conspici oculis possit, fauciatam eam esse cruor docet e loco intestini saucio emanans, atque habetur effectus ipse a laesis functionibus vasorum sanguinem iam non retinentium pendens. Sin vulnus eiusmodi est, vt pars intestini vulnerata lateat, locus vero abdominis faucius vel chylo vel stercoribus madeat, aut horum odorem spiret, aut cum stercore cruor aluo exeat, effectus isti iudicantur inde h. e. a morbo intestini quam proxime deducti. Simili ratione cognoscimus ex tumore imi ventris post vulnera abdominis, vel ex difficili admodum respiratione post vulnera thoracis, sanguinem ex vasis laesis, oculo non patentibus, effluxiffe.

Quodfi igitur apparentia quaecunque connexum huiusmodi cum re alia quacunque habet, vt ex illa fenfu percepta
intelligamus, istam alteram aut praesentem esse, aut suisse, aut
futuram esse, illa prior in re medica, vt in aliis omnibus, appellatur signum, nota, altera vero signati, significati nomine
donatur. Quae quidem sunt notiones relativae, vt nullum sit
signum, cui non respondeat signatum quoddam, et vicissim. Et
quanquam in arte medica vnum idemque phaenomenon modo
vel caussa vel essectus modo et caussa et essectus, modo aut
signum aut signatum, modo indicans therapeuticum vocari
queat, non ideo tamen haec inter sese confundere decet, vt
nonnulli de medica institutione scriptores, male instructi illi peccarunt. Sed diuersarum rerum vim et notionem, et relationes mutuas, vere, perspicue et distincte exponere oportet.
Rerum enim consusso ses sont autorio est foecunda errorum mater.

g. 876. Quae vocantur διαγνως τικά vel διλωτικά, quando denunciant praesentem conditionem corporis viui, sani, aegri, morituri, moribundi; si vero praenunciant ea, quae in his sutura sunt, tum προγνως τικά appellantur; denique vbi praegressa in examen reuocant, tum ἀναμνης τικά dicuntur medicis.

De notione figni et de fontibus fignorum supra sic satis dictum arbitror. Vidimus etiam, aut praesentia inuestiganda aut sutura praenoscenda, aut praegressa in cognitionem reuocanda esse, sic quidem, vt ex signis quibusdam ea colligamus, neque ab ore narrantis pendeamus. Inde igitur signorum genera tria existunt. De diagnosticis et prognosticis pauca, de anamnesticis paulo plura habemus, quae hoc loco dicamus.

Vitae et valetudinis tum secundae tum aduersae praesentia nonnisi ex effectibus in homine intelligi ita potest, vt dubitationi locus sit nullus. Vitae praesentis signa certa exhibent sensus, motus, calor, sic tamen, vt eorum absentia deletam vitam esse non semper certo doceat; de quo alibi. Natura vero et sanitatis et morbi ex effectibus quidem etiam cognoscitur, vt tamen caussae haud parum ad cognitionem eam conferant. Signorum diagnosticorum alia de magnitudine et mutationibus morbi testantur *).

*) Sanitatis figna funt duum generum. Alia praesentiam sanitatis monstrantia possunt diagnostica dici, alia-vero, quae sanitatis naturam h. e. aut eius magis minusue constantem durabilitatem aut hominum idiosyncrasius et temperamenta diuersa denotant, physiognomonicorum nomine digna mihi videntur. Haec autem ab arte medica auelli nullo modo possunt. Vt autem haec, ita quoque

Signa eae, quae ab animi affectibus atque a morbis mentem vel idiopathice vel fympathice vel fymptomatice afficientibus in homine fiunt, mutationes valent etiam aliquantum ad phyfiognomoniam (vulgo fed male scribitur phyfiognomia) h. u. ad doctrinam divinatricem illam, quae ex habitu corporis, vultu, oculis, fronte, lineamentis, voce et loquela, greffu, gestu motuque similibusque ingenia hominum

Signa diagnostica conditionem morituri monstrantia cum fignis prognosticis mortis suturae confundere nonnullis videri Auctor potest. Sed salua eins res est. Signis quidem vtrisque est vicinitas quaedam. Accurata enim et certa diagnosis prognosin definit. Differunt tamen. Neque in eodem aegrotante fignorum genera plura animaduerti vlla ratione repugnat. Res autem exemplo quodam proposito perspicua siet. Si sanguis cuidam ex vulnere cum impetu et subsultim arcus agendo erumpit, ex arteria exprimi eum iste ipse modus erumpendi tanquam signum diagnosticum docet. Si autem vel per magnitudinem vel sedem vasis illius vulnerato succurrere non licet, cognitio huius status morbosi, hominem esse moriturum demonstrat, atque figni prognostici vice fungitur. Sed praeterea eiusdem morituri varia esse conditio potest. Quaeritur haud raro, valeatne moriturus tantum, vt haeredem constituere aut de rebus quibusdam testimonium dicere legitime possit, an vero nimia mentis imbecillitate impeditus vel delirio perturbatus fit, illis igitur agendis impar-

Signa, quae aegrum morti proximum seu moribundum esse docent, cum praesentem vitae cum morte luctam commonstrent, ad genus diagnosticorum merito referuntur. Sed quae sint et an omnino quaedam mortis non decipientes notae sint hoc loco disputare nec libet mihi nec vacat. Legatur elegans

CELSI nostri locus Libro secundo, capite tertio.

Progno-

minum moresque coniectat, et latitantes animi assectus e tenebris et latebris eruit ac protrahit. Eam LAVATERVS, vir admirabilis et supra
laudes meas positus, stupendo opere
patientia et industria incredibili composito, nuper admodum ornauit, eoque sapientum plausum meruit. Nihil nisi|Fragmenta physiognomica| (Physiognomische Fragmente) ab se edi ite-

rum iterumque ac faepius inculcauit; atque promissi et propositi sui vsque adeo memor et tenax suit, vt, cum inscriberet librum suum, inscriptionem ipsam frangeret, et loco integrae fragmentum eius adhiberet. Vt hoc autem perplacet, ita displicet, quod de iis, per quos prosecerat aut certe poterat, iusto tenuius sentit humanissimus LAVATERVS.

Prognostica signa, aut constantem sanitatem atque longaeuitatem promittentia, aut tenuem valetudinem vitaeque brevitatem minitantia, aut in morbis euentum varium praenunciantia, cum sint a BOERHAAYIO suis quaeque locis diligentissime accuratissimeque proposita, neque ego de notione et vsu eorum habeam, quae rectius alios doceam, locum hunc relin-

quo, et per eum transilio ad sequentem.

Scilicet de notis anamnesticis, quas a quibusdam rememoratiuas appellari video, quam potero, diligenter dicam. Sunt enim hae recentiorum quorundam de institutione medica scriptorum cruces. Vt autem de his judicare secure possis, scias velim, signa anamnestica vocari ea, e quibus praeterita colligimus; ergo cum caussa effectum praegrediatur eodemque prior sit, nec vicissim effectus priores suis caussis sint, sontes anamnesticorum signorum non in classibus caussarum quaerendos, sed ab effectibus petendos esse intelligimus. Neque artem ex signis praegressa colligendi pro anamnesi generatim intellecta ponere licet. Quo errore seducti illi videntur, qui de fignis anamnesticis mirum syrma idque longum libris suis institutionum medicarum adsuerunt, et tamen vix alia quam caussas olim quondam corpus male afficientes enumerarunt, et pro anamnesticis signis venditarunt. Nemo quidem medicorum est, qui, pluribus ante annis corpori accidentia aliquando vtiliter in memoriam reuocari, neget. Nam et hi qui in iuventute gonorrhoea maligna polluti erant, serioribus demum annis non raro habent, cur vagam libidinem execrentur. Et quidam ex his, qui fanguinis sputo aut alio pectoris morbo laborauerant, et sic satis bene sanati et sibi et aliis videbantur, anguem tamen sub thorace latentem secum nescii circumferunt, post multos annos in apertum malum prorumpentem. Scabiei malam indolem quis est, qui ignoret? At vero si haec et similia plura in cognitionem reuocantur, quantulacunque et Da woning out

qualiacunque fuerint, si quid mali in corpore reliquerunt, et denuo in quaestione sunt, signorum quidem vice sunguntur, verum eorum, quae non anamnestici sed diagnostici generis sunt, siue de praesentia morbi cuius dam, siue de eius ipsius natura quaestio moueatur.

His praemiss subiungam signa anamnestica nonnulla, eademque in conspectum quendam producam, vt ii, qui minus recte de iis eruditi sunt, errorem dimittere facilius queant. Quanquam enim locus hic non admodum soecundus est, quod iam fienvs animaduertit *), non ita tamen negligi debet, vt

confusioni rerum occasio praebeatur.

Sed ad rem. Signa autem anamnestica supra diximus esse in mutationibus corporis certis quibusdam, quae a praegressis quibusdam essectae suerant. Ergo signum tale semper est ex genere essectuum, signatum vero ex genere caussarum est. Vbi quidem temporis elapsi vel diuturnitas vel breuitas nihil discriminat. Ex iis autem sunt alia certa, alia probabilia, alia ambigua, non propterea tamen contemnenda; saltem enim opportunitatem viterius in aliquam rem inquirendi offerunt. Vsum autem habent et in morbis, et post mortem, et in quaestionibus mutationes quassam naturales attinentibus.

Et signa quidem anamnestica, quae ad naturales mutationes, non proprie morbosas dictas, referuntur sunt praecipue notae illae stupri virgini illati; partus vel paulo vel multo ante praegressi; itemque hae, quibus multiparae notatae sunt; quas, si lubet, lege apud scriptores de arte obstetricia; nolo enim hoc loco compilatorem agere.

Non omnes quidem morbi, sed non pauci tamen notas quasdam relinquunt, quibus deprehensis scire possumus, qua-

*) Vid. THOMAE FIENI Semiotice seu de signis medicis Tractatus. dica carere potest. Lugduni 1664. Quo quidem libro lisne, aut saltem an omnino aliquis olim in corpore suerit morbus. Nam primo multi morbi solidarum partium in sensus nostros incurrentium ita has mutant, vt praeternaturale quid aliud quondam subsuisse intelligamus. Omnis cicatrix de praegressa solutione continui testatur, et, quando in glandulosis inguinum locis reperitur, nostris temporibus non raro infectionis syphiliticae quondam sactae testimonium perhibet. Quid vuulae iactura? Aut vicera depascentia venerea, scorbutica, aut exulcerationes a tumoribus catarrhalibus, aliquando etiam malam conformationem.

Sunt et morbi humorum, qui notas quassam vel nunquam delendas vel temporarias homini imprimant. Foueas et cicatrices a morbo varioloso relictas vel homines ex vulgo norunt hominemque iis notatum variolis laborasse. Plerique eorum, qui in pueritia rhachitide laborarunt, tam male conformata ossa longa spinamque per omnem vitam secum circumserunt, vt nemo de morbo praegresso dubitet. Maculae a scabie percurata morbum praeteritum produnt; et quae sunt alia huiusmodi.

Ab actionibus laesis siunt quoque essecta vel perennia vel tandem aliquando sanabilia. Vrinae diuturna suppressio aut corpus vesicae aut sphincteres ita afficit, vt vel incontinentia aut eius dissicultas summa postea supersit. Cordis actio in animi grauiori deliquio multum laesa aliquando relinquit pulsum admodum intermittentem.

Pertinent huc quoque omnes aliae morborum sequelae, e quibus de morbis praegressis tanquam caussis ipsarum, quanquam saepius nonnisi disiunctiue, argumentamur.

Atque haec quidem de morbis praeteritis. In ipso autem morborum decursu est anamnesticorum signorum vtilitas quaedam. Si pus in vulnere aut vlcere sic satis antea bonum deterius sit, aut vulnus inslammatur, neque caussa apparet,

quaerit peritus chirurgus de assumtorum vel copia vel qualitate, de commotionibus animi, de veneris exercitio, qualicunque demum. Febris intermittens hactenus regulis artis
congruenti ratione curata, si subito in speciem acutae transit,
suspicionem mouet, inscio medico vel sumta vel acta quaedam
esse, quae humorum circuitum acceleratum reddidissent. Et
omnino omnium mutationum, quae in curationibus morborum praeter rationem siunt, eadem significandi vis est, eaedemque medicum compellunt, vt in caussas vel fortuito et imprudenter, vel data industria, aliquando etiam malitia admissas
diligenter inquirat, neque decipiatur aut ab aegrotante aut adstantibus.

In demortuis corporibus vtilitas et necessitas signorum anamnesticorum multiplex est, atque tum maxima, quando medici, iubentibus ita magistratibus, sententiam suam de vita et mortis caussis expromere satagunt. Lubet, licet enim, quaedam hic subnectere.

Vitam in infante recens nato fuisse monstrat vacuitas vaforum maiorum sanguiserorum omnium; pulmo in aqua na-

tans et vel demersus aquae superficiem repetens.

Teneram infantem noctu a matre, nutrice, gerra imprudenter suffocatum esse docent sequentia: Mors subitanea et quasi tacita pueruli, nullo ante grauiori morbo laborantis, mulieris ebriositas aut somnolentia, spuma circa os pueri, faciei tumor et color valde liuidus, species spumae in arteria aspera dissecta; auricula cordis anterior et ei respondens ventriculus, itemque venae iugulares turgentes, atque encephali vasa sanguine multa distenta; aliquando etiam compressione desormatum corpusculum caussam euidentem exhibet.

Viuum aliquem strangulatum esse, siue suspensus sit, siue alia ratione constrictio gulae facta esse videatur, discimus ex his; si color vel liuidus vel ad nigricantem vergens est in loco

loco constricti colli, si cutis circa constricta et rugosa est; si facies tumet et liuet; si circa os spuma est; si narium exitus spumosum mucum offerunt; si vasa interioris capitis sanguine turgent. Si horum nihil est, vita ante defuncto iniectum la-

queum esse indicamus.

Vtrum vita adhuc tum fruenti, an iam exstincto illata vulnera sint, docere haec ipsa possunt. Sunt enim cruenta, oris plus minusue tumidis, vascula ipso vulnere dissecta sanguine coagulato turgent; cutis circa oras est coloris quodammodo alienati, si vel in ipso moriendi articulo inslicta ea sint, dum modo in loco saucio aliquis humorum circuitus, vita igitur aliqua, superstes suerit. Vitam tempore vulnerationis praesentem produnt quoque vasorum sanguiferorum maiorum vulnera, et, quae sanguinis sluxum consecuta est vacuitas vasorum; itemque si vulnus in cauum quoddam, penetrauit, atque hoc sanguinem multum essuum quoddam, penetrauit, atque hoc sanguinem multum essuum quoddam, penetrauit, atque hoc sanguinem multum essuum quoddam essentibus offert. Si istae notae absunt, mortuo illata vulnera esse credendum est.

Viuum in aqua alioue humore submersum, et hoc genere suffocationis peremtum esse arbitramur, si circa os et nares spumosa sunt et mucosa; si in bronchiis et pulmonibus aqua spumescens est; si aqua in ventriculo est; si venter imus tumet, neque tumor is a putredine est; si extremi digiti excoriati et vngues in iis dilacerati sunt, sed huius tamen notae absentia non ideo mortuum antea hominem in aquam proiectum esse

docet *).

D 3

Quaestio-

") In ventriculum et pulmones eorum, qui dum vita fruerentur, in aquam aliudue fluidum praecipites dati fint, aquam vel humorem illum coutrahi, eius vero nihil fieri, fi vita iam defunctus fubmerferit, priorum temporum medici omnes vnanimi confensu perhabuere. Aduersus hanc

fententiam primo omnium, quod equidem sciam, dixit, atque ne viui quidem submersi in ventriculo et pulmonibus reperire aquam licere sibi vuquam scripsit 10. IAC. WALD-SCHMIDT in Ephem. A. N. C. Dec. II. A. VI. Obf. XV. Secutus deinde 10. CONR. BECKER, atque integro Tractum.

Quaestiones quae de vulnerum lethalitate, de venesiciis agitantur, si nt e usdem naturae; quas tamen quo minus attingamus, pre hibe instituti nostri ratio. Et sortasse aliquibus illa a nobis alieno loco posita videbuntur. Fuimus vero verbosiores propterea quod paucos de anamnesticis recte sentire vidimus.

§ 877. In morbis autem designandis id signum, quod proprium est morbo, et ab eo inseparabile, vipote ex natura eius ortum, vocatur παθογνωμονικον.

Signorum diagnosticorum in morbis princeps, et in libris atque sermone medicorum admodum celebratum est id, quod παθογνωμονικον vocatur, ita enim scribi debet, non παθογμονικον νικον

ctatu medico - legali de fubmerforum morte fine pota aqua sententiam veterum refellere manibus pedibufque conatus est. Eius vero conamina irrita effe fere perfuadet EMAN. 10. ALBERT. EVE in Differt. quae fiftit experimenta circa Inbmersos in animalibus instituta, edit. Goettingae 1753. et in collectione opuscularum Brendelii iterum descripta. Ante hunc tamen LVDOVICVS (Louis) clarus inter Parifienses chirurgus Acad. Sc. Parif. fimilia monstrauerat. Ego quidem viris doctiffimis his affentior illud, in eorum, qui post demersionem deglutire potuerint atque adeo re ipfa conatus deglutiendi exercuerint, corporibus aquam aliquando in ventriculum, in pulmones vero praecipue et semper, contractam haustamque secanti Medico in conspectum venire; negare tamen nolim, fieri quoque posse, vt viuus homo in aquam praeceps datus deglutiendi nisus edat nullos. Nam vel praeuio capite infundum piscinae limosae detrusus

nares et os coeno plena habere poreft, vel ingenti terrore metuque ita percelli potest, vt gula spasmo contracta, nihil aquae admittat; vel aqua gelidiffima fimiliter fauces conftringere, vel caussa alia mortis subitaneae fortuito incidere potest. Plures etiam earum caussarum deglutionem cohibentium aliquando fortalle confpirant. His autem omnibus efficitur cogiturque, aquam in ventriculo et pulmonibus demerforum repertam ad figna supra dicta iure referri, eius vero abfentiam non omnino et femper fignificare, a morte demum aliquem in aquam esse detrusum. Plures hac de re scriptores noscendi cupidus euoluat Historiam litterariam feriptorum etc. Medicinae legali AN-DR. OTTOM. GOELICKE fubnexam p. 41. feqq, ac praeter illos librum qui inscriptus est : Erfabrungen u. Wahrnehmungen uiber die Urfache des Todes der Ertrunkenen etc. durch die Herren Champeaux u. Faissole. Danzig 1772.

หนอง vt vulgo et in multis etiam Boerhaauiani libri editionibus scribitur. Id nulli alii commune est, sed morbo cuique proprium suum signum pathognomonicon est, et ab eo inseparabile, quia ab essentia seu natura morbi eius, non ab accidentalibus quibusdam, h. e. non a magnitudine morbi, non a singulari aegrotantis temperie, aetate, sexu etc. deriuatur. Vt tamen fignum fit pathognomonicon, necesse non est, vt essentiam seu naturam morbi explicet et exponat, sed satis est scire, vel sola experientia magistra, signum id morbo certo cuidam proprium, nulli alii commune esse. Quo ipso discimus a natura morbi eius proficisci illud. Nam nisi ab ea sed ab accidentalibus deduceretur, perpetuum esse non posset. Sic v.c. febris quartanae, tertianae etc. fignum pathognomonicon est in febre quarto tertione quoque die recurrente. Quod neque materiem morbi manifestat, neque caussam medicos docere potest rationemque, quamobrem febris modo accedat modo deferuescat, modo reuertatur, et in sic dictis exquisitis quidem periodos suas mirabiliter seruet et decurrat, in caeteris vero minus regulari, minus constanti, ordine repetat etc. Plurimorum morborum ratio eadem est. Nihilo tamen secius a natura morbi fignum hoc tale edi putandum est.

§. 878. Cuius proinde cognitio est necessaria quam maxime, vtilissima; indagatu saepe difficillima; semper tamen praesens morbo, quamdiu genium seruat; quin et frequenter constat aggregatu plurimorum concurrentium signorum.

De necessitate notas tales cognoscendi, dubitare nemo potest, nisi ignotorum morborum curationes suscipi ab se posse temere putet. Nihil igitur addam.

Quod vero difficultatem eas indagandi attinet, id paulo plenius exponendum est, ne discentes scholas medicorum deferant, ferant, fastidio artis vel in limine capti. Scire igitur licet, quando et quatenus functiones impeditae ipfae nomine morborum veniant, turn et eatenus difficultatem istam, post tot annorum observationes de morbis memoriae mandatas, vix esse memorabilem, cum sint pauci ex morbis hactenus cognitis, quorum signa pathognomonica perspicue in libris medicorum confignata non legantur; multorum etiam expositio in symptomatologia Auctoris nostri prostat, vt, qua quis morborum specie affectus sit, vel mediocriter peritus animadvertere protinus possit. Et cum vnius eiusdemque sunctionis laesio ab impedimentis inter sese admodum diuersis sieri possit, in iisdem quoque medicorum gnauiter res suas tractantium libris, impedimenta illa diuersa diligenter enumerantur tanquam functionum laesarum caussae. Quas nisi compertas cognitasque habuerit medicus, a folis signis pathognomonicis, vt vulgo traduntur, haud fatis erudietur, vt curationum pericula cum spe prosperi euentus subire queat. Etenim, vt hoc vtar exemplo, quid potest amauroseos signum pathognomonicum, quod plenaria caecitate oculi, ad primum contuentium aspe-Aum bene constituti, contineri dicitur, de natura morbi praesentis docere? Nihil profecto aliud, quam tunicae retinae ineptitudinem ad recipiendos ac propagandos impressus radiorum luminis. At vero caussae haud parum multae inde a retina ipsa ad cerebri medullam vsque sunt, quae efficere eam possint. Sine igitur intricatissimum fuerit sine expeditissimum figni eius scrutinium, quod necessarium quam maxime esse negari nullo modo potest; in eo tamen acquiescendum non est; sed oportet vltra progredi, quo datur quidem. Haec autem inuestigatio non est huius loci; verum adeundi sunt fontes, e quibus petas signa, quae morborum naturas, sedes et caussas in lucem protrahunt. Illi autem ab Auctore nostro infra ita ostensi et aperti sunt, yt nullus praetermissus esse videatur. Signum

pla

Signum pathognomonicum morbo quodque suo semper praesens esse, dum genium seruet, sacile quidem dabimus, si illud ab ipsa morbi natura derivari meminerimus; sin genium mutaverit, h. e. aliam naturam induerit morbus, signum pathognomonicum aliud sore. A diversis enim rerum naturis diversos quoque essectus edi tam certum est, quam quod maxime. Exempla in promptu sint. Si phlegmone abiit in abscessium, si intermittens sebris in acutam continuam, aut in lentam hecticamue; si maniae accedens sebris speciem phrenitidis quandam resert, alia sint eorum affectuum signa pathognomonica necesse est.

Haec quidem hactenus. Vt vero postrema quoque verba §. hui. perspicue intelligantur, morborum quorundam signa pathognomonica in conspectum proferam. Sunt autem aliorum simpliciora, aliorum magis composita; nec desint, qui primis suis temporibus nonnisi ambiguas notas habeant, et tum demum, cum aliquid generis critici apparet, certo cognoscuntur; cuius census sunt morbi febriles, exanthemata ocyus serius expellentes. Simpliciori signo pathognomonico conspicuus est fluxus sanguinis ex arteria vulnerata erumpentis; idque in cruore subsultim per arcus eiecto cernitur. Icterum flauum vel folus cutis color croceus satis luculenter manifestat, etiamsi de vrina similiter infecta aliisque nihil noris. Amauroseos nota supra iam posita non multo magis composita est. Tussi reiectus sanguis spumosus pulmonem aut aliam ex viis aeris affectam esse prodit. Composita signa habentium funt plurimi. Fit tamen saepenumero in sermone practicorum, vt, caeteris fignis, quae ad alios quoque morbos pertinent, suppositis, vnum aliquod dicatur pathognomonicum. v. c. apyrexia, inter duos quosque accessus febriles animaduersa habetur pro signo pathognomonico febris intermittentis. Signorum pathognomonicorum, quae non nisi ex syndrome signorum, modo pauciorum, modo plurium existunt, exemcata

nici

pla iam abunde suppeditat Auctoris nostri symptomatologia, vt ex pathologia speciali quaedam excitari opus non sit. Quamuis autem ad formandum fignum pathognomonicum fufficere videatur collectio tot phaenomenorum, quot ad definitionem morbi cuiusque characteristicam (quo quidem cognomento a dialecticis petito fignum pathognomonicum mihi dignum videtur), compilandam necessaria sint; reliqua tamen fine perpetua fint, fine non fint, postea subiungere conuenit.

§. 879. Illa autem figna, quae docent mutationem, variatasque conditiones morbi, nomine dicuntur emiyevá-MEVOL.

§. 880. Quorum tanta est vis ad bene cognoscendum, et curandum, vt vix aliquid sit, quod plus emolumenti in praxi afferat; vnde etiam fumma nocumenta

oriuntur, his neglectis.

6. 881. Cum autem omnia illa sint effectus, produ-Eti a caussa morbi, morbo, et symptomatibus assidue mutatis, notant ergo in morbis quolibet tempore conditionem praesentem eius materiae, quae primo produxerat morbum, vel et eius, quae a malo producta fuerat; quare et solent reuocari ad has tres classes, quae sunt:

1. Cruditatis, coctionis.

2. Exitus in fanitatem, morbum, mortem.

3. Secretionis, et excretionis, materiae coctae, quae

ideo vocantur decretoria, vel ирітінд.

Sectiones hae cum non commode diuelli possint, continentibus verbis illustrandae sunt; sed paucis; omnino enim neque per loci rationem neque chartarum paucitatem licet. Prima autem animaduersio de verbo erit, altera de re. Obferuamus igitur, figna ea, quae a Prioribus συνεδρεύοντα vocata

cata sunt, a Boerhaavio seorsim et expressis verbis non esse commemorata, non quod vir doctus ea, quae apud tot commentatores Hippocratis et Galeni leguntur, ignorauerit, sed quod scilicet operae pretium facturum se esse non putarit, si signa illa, quae non semper adsunt, neque igitur a natura morbi cuiusdam generatim intellecta, sed aut a diuersitate partis affectae, tanquam in pleuritide dolor vel ad iugulum vel ad hypochondria vel ad subscapularem regionem vergens, aut a varia magnitudine morbi, veluti dolor capitis aliane quaedam fymptomata in febre, propullulant, peculiari nomine donaret. Et ante SENNERTI tempora iam fuere, qui synedreuonta ab epigenomenis diuersa haud esse arbitrarentur. Estque in ipsius GALENI Comment. in 12. Aphor. Lib. 1. locus aliquis, quem possint illi pro sententia hac sua excitare. Vtcunque fuerit, BOERHAAVIVS nomen quidem sed non rem ipsam neglexit. Nam et fontes signorum vel sedem morbi vel eius magnitudinem monstrantium locis exposuit quosque suis, et in \$ 879. variatarum conditionum morbi mentionem iniecit. Vt autem disputationem de illis missam facimus, ita nec descendimus ad componendas lites de fignificatu fignorum epigenomeων et epiphaenomenων, quae a quibusdam pro synonimis habentur, ab HOLLERIO *) et DVRETO **) aliisque distinguuntur. Id vnum tamen adiicio: Quaecunque superuenientia, si fignorum vicem obire debent, appareant necesse est; et vicifsim, quaecunque apparentia sunt, apparere non possunt, nisi superuenerint. Denique verborum τε έπιγίνεσθαι, τε έπίγενίματος, των επιγενομένων vim et potestatem, ex mente HIP-POCRATIS et GALENI ipsis tribuendam acutissime rimatum esse GVIL. BALLONIVM arbitramur ***).

De verbo τῶν ἐπιγενομένων haec hactenus. Nunc, vel nomine eo generaliori neglecto, de re ipsa est dicendum. De

pluribus.

^{*)} In Comment. in 12. Aphor. S. 6. ***) Vid. BALLONII Opp. T. I.

qua quomodo differi hoc loco commode possir, difficile est inventu, nisi prolixior esse, et multa, quae infra §. 931. demum de fignis coctionis et cruditatis etc. ab Auctore nostro ex methodo proponuntur, huc trahere atque ex doctrina pathologiae specialis peritis exemplis illustrare ea velis. Sed hoc nobis iam non licet. Breuitatis igitur ita studiosus, vt ne obscurus fiam, paucis animaduersionibus efficiam, vt §. 881. sensus legentibus fiat perspicuus. Itaque primo animaduertimus, signa illa, quae vel cruditatem vel coctionem fignificant, proprie tantum ad morbos eos pertinere, in quibus humor vel in vniverso corpore vel in parte quadam singulari peccet, siue is morbum fecerit origene tenus, fiue a morbo aliunde nato exstiterit. De signis criseos idem esto indicium. Deinde sciendum est, quemadmodum sani hominis humores non perpetuo iidem sint, sed pro varia caussarum occasionalium diuersitate et vicissitudine variis obnoxii sint mutationibus, ita eos prauitate quacunque laborantes etiam mutari, fiue motus vitales morbo auchi fint fiue imminuti. A priori autem, quod dicitur, vlterius cogitando intelligimus, mutationes illas peccantium humorum esse aut eiusmodi, vt et morbus et eius symptomata vel numero vel magnitudine vel vtroque modo augeantur, aut esse tam optabiles, vt priora symptomata decrescant, neque in eorum locum noua succedunt. Quodsi vero prius illud reipfa fit; humor ille continuo nocentior a medicis vocatur crudus; sin alterum, coctus appellatur. Illius autem cruditatem facile dabis augeri ita posse, vt aut totius corporis humores ad circuitum obeundum et functiones vitales praestandas prorsus inepti euadant, aut saltem viscera vitalia onerando corrumpendoue actiones eorum omnino tollant; atque mortem tum necessario consequi; aut cruditatem sic tantum mutari, vt loco prioris illius noua, atque ex hac etiam noua morbi facies seu nouus morbus existat. Sed persecta coctione reddi sanitatem. Rursus autem meditatione sola duce intelligimus, omnia illa aut

ant lente et fine signis virium vitae excitarum aut subito et cum signis iis fieri. Si hoc alterum atque adeo lucta quasi aliqua morbi et vitae in homine subesse videatur, tum, prout aut morbus aut vita vincat, de salute hominis decerni et iudicari, statum igitur eum ipsum morbi dici iure quodam posse crisin, iudicium, decretum. Omnes autem illas mutationes morbi hactenus dictas plerumque ita accidere, vt per signa quaedam sese prodant, quae vel in melius vel in peius conuerti significent materiem eam, quae primo produxerat morbum, vel et eius, quae a malo producta fuerat. Prioris casus exemplum suggerit sebris ardens aut inflammatoria a spisso atque simul calido fanguine concitata, alterius vero febris inflammatoria inflammationem laefionis granioris externae concomitans, et diathesin sanguinis phlogisticam dictam efficiens. Atque de his quidem hoc loco fic fatis.

EPILOGVS.

Haec habuimus, quae ex praelectionibus a Praeside huius disputationis quotannis habitis compilaremus, non, quod non exaudita eruditis medicis ea putassemus, sed vt commilitonibus easdem scholas frequentantibus in memoriam reuocaremus, aliis vero riuulos hactenus consectantibus sons Boerhaauianus, omnium limpidissimus, vnde deducti illi sunt, saliuam moueret, quando aditus ad eum tam inaccessos, quam pigri et vagi quidam inuidiose criminantur, non esse intellexerint, et illius ab SENECA dicti, inertis esse ingenii, relictis fontibus, riuulos sectari, simul meminerint. Atque eorum quoque gratia, quae paulo altius repetere et subtilius exsequi poteramus, ea, tanquam a proposito nostro aliena, omisimus. Pro iunioribus enimuero, ad doctrinas generaliores viua voce propositas saepe stupentibus, haec scripta sunt omnia. bus si accommodate dictum, et commentarius noster, quamvis non perfectus, affectus tamen peritioribus videatur, nihil The state of the s

erit caussae, quamobrem vereamur, ne opera nostra frustra insumta aequis rerum aestimatoribus putetur. Ipsi quidein nos quo minus scriptionem propemodum absolutam in vulgus ederemus, prohibiti fere sumus moribus et ingeniis hominum aeratis nostrae, quibus, quicquid nouitatis specie commendabile non videtur, paene fordet, suaue vero gratum et iucundum est, arrectisque auriculis et hiante ore accipitur omne id, quod nouitatis fama quadam aures percellit animosque, etiamsi nihil nisi heteroclitum, dudum notum ac peruulgatum fuerit, aut nihilo minus, aut ipsa morum prauitate et malignitate pravius et malignius. Verumtamen animus nobis confirmatus est, cum a D. L. CRELLIO, medicinae professore Helmstadiensi, claro et docto, eiusmodi nouam opinionem de generatione caloris animalis, quam DE HAEN, medicus Vindobonnae nuper inclytus primo proposuerat, Britannorum vero nonnulli deinde maximis periculorum moliminibus adstruere conati sunt, acute resutante et mascule dispellente scriptum legeremus: Boerhaave, dieses herrliche, wohlthaetige, nur von wenigen zu erreichende Genie, das iezt von so vielen verkannt wird *). Verbis namque his lectis animo nobiscum reputabamus, cum et alii viri docti neglectum ingenii tam eximii atque benefici animadvertant atque condoleant, nihil autem, iudice M. TVLLIO, tam valde vulgare sit, quam nihil sapere, breui suturum esse, vt, nisi homines subinde vellicentur, tandem vix quisquam supersit, qui ingenii istius benefici fructus cortice paulo duriori se-Stos degustet, sed tirones vbique libris vtantur vulgaribus illis, in quibus frequentes sunt errores et inter eos adeo ridiculi, vt, si vel Crassus ille fueris, qui semel in vita tantum risisse fertur, tibi tamen temperare ab risu non possis. Eodem igitur discentibus seruiendi animo illo conscriptum neque alio euulgatum commentarium qualemcunque nostrum vt eruditus lector boni et aequi consulat, vehementer etiam atque etiam rogamus. MISCEL-

^{*)} Vid. Versuche uiber das Vermoe- zu erzeugen etc. Von D. L. CRELL, gen der Pflanzen und Thiere, Waerme Helmstaedt, 1778.

on commission'MISCELLANEA.

I. Medici doctrinas medicas generales non edocti, quanquam rerum fingularium fere omnium cognitione praestantes fint, similes tamen sunt nautis, qui in caeteris quidem, ad gubernationem nauium pertinentibus, versatissimi neque acus magneticae neque bolidis vsu pollent.

II. Bonus theoreticus, malus practicus: et recte et perpe-

ram dicitur; malus theoreticus, bonus practicus: absurde.

III. Nouarum medicinarum nimis auidi medici aut medendi methodi et medicaminum a prioribus acceptorum ignorantiam aut animi inconstantiam produnt.

IV. Morbi, qui curari non possunt, trahendi sunt, non,

quod non raro fit, per infidas curationes morte finiendi.

V. Europae partes, quae minus cultae vulgo putantur, rem medicam falubribus legibus ita ordinatam habent, vt fapientia fua cultiffimis praeluceant.

VI. Prudens medicus it, non qua itur, fed qua est eundum.

VII. Ciuitatum faluti parum est prospectum, satis igitur beatae dici eae nequeunt, nisi ciuibus census cuiusque et insimae quoque sortis hominibus in promptu sint potulenta et grata et salubria sed vero etiam parabilia.

VIII. Variolarum morbus in mediis ciuitatibus arte seu manu armata excitatus, salutem paucis promittit, perniciem

pluribus minatur.

VIIII. Caussa atque ratio, quamobrem oculis duobus conspectae res simplices, non duplices, percipiantur, non aliunde quam ab oculis ipsis repetenda videtur.

X. Aer inspirando ductus pulmones penetrat et sanguini ad-

miscetur.

XI. Sanguis in pulmonibus et incalescit et refrigeratur.

XII. Neque offa sesamoidea neque aliae, si quae in corpore humano sunt, trochleae momentum motui musculorum addunt.

XIII. Occultas qualitates dudum explosas postliminio, srustra quidem, recipiunt hi, qui caloris animalis sontem seu caussam proximam in neruoso systemate anquirunt, atque caussas euidentiores praetermittendo subsultim ratiocinantur, atque adeo παραλογίζονται.

XIV. Simile peccatum est sed grauius, si animalibus facultas calorem et gignendi et obterendi seu annihilandi a quibusdam nihil omnino explicantibus vel discernentibus, temere igitur,

obtruditur.

XV. Aeris puritatem inter praecipua valetudinis tuendae praesidia esse nemo ignorat, neque eum in locis populosioribus impuriorem quam in agro esse dubitat quisquam; pauci tamen fortasse vim caussarum inquinantium cogitatione mentis assequentur. In loco frequenti et frequentato, in quo viginti millia incolarum opera et opificia omnis generis facientium numeres, vapores et effluuia e tot hominibus, animantibus brutis, lignis ardentibus, rebusque aliis ambustis et combustis, cellis subterraneis et cloacis, aquis profusis et exhalantibus, innumeris aliis, quotidie emanantia et emissa, si in summam colligas, multo plus quam centena millia librarum pondo efficere computo facili docebis non cogitantes. Hic talis et tantus cumulus alienae materiei de aeris puritate, elasticitate, salubritate igitur, mirum quantum detrahit. Tanto maius beneficium eius loci incolis dat aquarum stagnantium exsiccatio. Quid autem a crebris et densis arborum plantationibus et vicinis syluis sperandum metuendumue? Omnis planta valde perspirat. Arboires illae liberum aeris campestris et aprici, saluberrimi eius, accessum et perslatum arcent et cohibent. Vt autem fere in reliqua vita, sic quoque his in rebus amoenum et iucundum vtili faepenumero praefertur. De la sudinocidad ni singana .1% May Neque offs stamoules neare disc, if quee in corpe

anu)



